

醫略六書

卷十二

十三

十四

十五

十六

六經病解



醫畧六書傷寒約編卷之十二

陽明病提綱

陽明之爲病胃家實也

陽明屬胃胃實爲陽明病根有實於未病之先者有實於得病之後者有風寒外束熱不得越而實者有妄汗吐下重亡津液而實者有本經熱盛而實者有他經轉屬而實者此只舉病根胃實外證

陽明病外證身熱汗自出不惡寒反惡熱也

胃家實外證身蒸蒸然裡熱熾而達於外汗濺濺然從內溢而無止息表寒已散故不惡寒裡熱閉結故反惡熱只因胃家實之病根卽見身熱自汗之外證不惡寒反惡熱之病情非卽可下之證必讖語潮熱煩躁痛脹纔可下耳

陽明病證脈

陽明病脉浮而緊者必潮熱發作有時脈浮者必盜汗出

潮熱有時脉浮而緊是浮爲熱熾緊非爲寒盜汗爲營虛熱迫故脉必浮而不兼他象

傷寒三日陽明脉大

醫畧六書傷寒約編

卷之十二

六經病解

趙翰香居藏板



中國醫藥大學圖書館藏

脉大者兩陽合明內外皆陽之象陽明初受表邪脉但浮而未大與太陽同三日來熱自裡發熱勢太盛故脉亦應而洪大也

脉浮而大心下反硬有熱屬藏者攻之不令發汗屬府者不令洩數洩數則大便硬汗多則熱愈汗少則便難脉遲尙未可攻陽明主津液所生病津液乾則胃家實故禁汗與洩未脉之浮緊浮緩浮數浮遲皆不可攻而可汗此浮而大反不可汗而可攻者以此爲陽明三日之脉當知大爲病進不可拘浮爲在表也心下者胃口心下硬已見胃實一斑以表脉不當見裡證故曰反硬有熱屬藏是指心肺有熱攻之謂攻其熱不令者禁止之辭屬府指膀胱腸脫熱故洩數不令處見當滋陰之義汗出多亡津液而大便硬卽汗出少亦未免大便硬而難出其利於急攻可知若脉遲則便非藏熱而浮大皆爲虛脉矣正以發明心下硬一證有無熱屬藏爲妄攻其熱者禁耳

不可下證

傷寒嘔多雖有陽明證不可攻之

嘔多者是水氣在上焦而津液未乾也胃家雖實慎不可攻攻之恐利遂不止腹滿嘔吐是太陰陽明相關證胃實胃虛是陽明太陰分別處要知胃家實雖變證百出不失爲生陽下

利不止參附不能挽回便是死陰也

誤汗便艱證

陽明病自汗出若發汗小便自利此爲津液內竭大便雖硬不可攻之當須自欲大便時宜蜜煎導而通之若土瓜根及大豬胆汁皆可爲導

汗出溺利而更發其汗乃胃中津液兩竭必大便硬而難出是內燥而非內熱也只須外潤不可內攻於自欲大便時因勢蜜煎導而通之挾熱者土瓜根大豬胆汁皆可爲導

蜜煎導 治陽明無熱胃虛便閉脉沉者

白蜜七合 銅器內煎熬如飴攪之勿令焦着可丸捻作挺頭銳如指大長二寸許乘熱納穀道欲大便去之

胃虛腸結燥閉不通故宜甘以緩之潤以通之是陽明無熱而胃虛便閉者法當需此通導則腸結解而胃氣無傷也

大豬胆一枚 瀉汁少許入醋納穀道中食頃當大便

腸結有火胃家無實故宜豬胆之苦以泄之寒以瀉之是胃本無火腸結挾熱者需此外導以通泄之則腸熱化而胃不寒也土瓜根導亦不出苦寒通導腸結之義



陽明傷寒證

病有得之一日不發熱而惡寒者雖得之一日惡寒將自罷卽自汗出而惡熱也

陽明自受寒邪一日惡寒與太陽同至二日寒化熱熾卽自汗出而惡熱也若從他經轉屬必當在六七日而不在一二日間

陽明病機

陽明居中土也萬物所歸無所復傳始雖惡寒二日自止此爲陽明病也

陽明受寒始雖惡寒二日自止蓋胃爲戊土位處中央表裡寒熱之邪無所不歸無所不化皆從燥化而爲實實則無所復傳所以爲陽明之病根也

太陽轉屬證

太陽病若發汗若下若利小便亡津液胃中乾燥因轉屬陽明胃實大便難此爲陽明也

此太陽轉屬陽明之病因有亡津液之病機故此胃家實之病根也

本經成實證

傷寒發熱無汗嘔不能食而反汗出濺濺然者是轉屬陽明也

胃實之病機在汗出多病情在不能食初因寒邪外束故發熱無汗繼而胃陽中發故反汗



多而嘔不能食是病在陽明而成實也

太陰轉屬證

傷寒脉浮緩手足自溫者繫在太陰太陰者身當發黃若小便自利者不能發黃至七八日大便硬者爲陽明病也

太陰轉屬陽明者病機在小便小便不利是津液不行而濕土受病病仍在太陰身當發黃若小便自利則津液越出而轉屬陽明爲燥土受病故大便當硬也

陽結陰結證

其脉浮而數能食不能便者此爲實名曰陽結也期十七日當劇其脉沉而遲不能食身體重大便反硬名曰陰結也期十四日當劇

脉浮數爲陽盛陽盛於胃者名陽結脈沉遲爲陰盛陰盛於胃者名陰結陽結能食不大便陰結不能食能大便陽結期十七日劇陽主進合乎陽數之奇陰結期十四日劇陰主退合乎陰數之偶能食者過期不能食者不及期蓋陽結卽是胃實陰結無表證當屬之少陰不可以身重不能食爲陽明而不敢溫補也

陽明桂枝證



陽明病脉遲汗出多微惡寒者表未解也可發汗宜桂枝湯

營虛受邪腠理不密故汗出多而微惡寒純是表氣虛寒汗出惡寒同太陽桂枝證以脉遲乃知病在陽明也惡寒微則發熱亦微宜桂枝湯啜熱稀粥法和營散邪則汗更出而營氣和邪自解矣

桂枝湯 見前

陽明麻黃證

陽明病脉浮無汗而喘者發汗則愈宜麻黃湯

表有風寒脉必浮盛有力無汗而喘者邪盛外束氣鬱不伸也麻黃湯發汗則汗出而邪外解陽氣和喘自平而脉自斂矣脈證全同太陽而曰陽明者不頭痛項強故耳

麻黃湯 見傷寒

小青龍湯合吳茱萸湯證

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

小便利者裡無熱反無汗者表有汗頭痛厥逆必因嘔欬是表裡虛寒胃陽不伸而迫肺上

于也小青龍合吳茱萸湯兩解表裡之邪則嘔欬止而厥逆頭痛自平矣

小青龍湯

見傷寒

吳茱萸湯

見少陰

衄血證

陽明病口燥但欲漱水不欲嚥者此必衄

陽明氣血俱多主津液所生病津液內竭故口燥欲漱水但熱迫血分而不在胃中故不欲嚥水而衄血可必是病陽明之經絡也宜犀角地黃湯清降之

犀角地黃湯

見濕溫

脉浮發熱口乾鼻燥能食者則衄

鼻燥發熱爲熱傷陽明之經能食口乾是熱迫陽明之胃表裡交蒸脉必浮盛有力而血結於胃血爲熱迫故衄血也桃仁承氣湯散而逐之

桃仁承氣湯

見太陽畜血

傷寒四五日脉沉而喘滿沉爲在裡而反發其汗津液越出大便爲難表虛裡實久則讖語

喘而胸滿必脉浮者病在表可發汗今脉沉爲在裡則喘滿皆屬於裡傷寒四五日正陽明



將陷之候反發其汗而津液越出則轉屬陽明而成胃實便難讖語所由來調胃承氣少和之條中久則讖語當作實則讖語此傳寫之誤

調胃承氣湯 見陽明中風

發汗多若重發汗者亡其陽讖語脈短者死脈自和者不死

陰汗太多津液越出則離中之陰大虛而陽亦外亡故神明失指而亦作讖語也脈短為元陰將脫不勝收攝故死脈自和為脈有胃氣氣是知不死安神救逆即可生全酸棗仁湯滋養心液以安神明也

酸棗仁湯 治亡陽讖語脈緩微數者

酸棗仁

三錢 研

懷生地

五錢

麥冬肉

三錢 砂拌

甜竹瀝

三匙 沖

白茯苓

二錢 去木

白芍藥

錢半 炒

北五味

錢半

真阿膠

三錢 蛤粉炒

生牡蠣

三錢 研

炙甘草

五分

水煎去渣溫服

汗則多則心液虛心陽外亡故讖語也亡陰而曰亡陽者以心之液為陽之汗棗仁養心茯神安心所以奠神明之主阿膠益血白芍斂陰所以振神明之用生地麥冬滋既亡之陰牡蠣五味收浮越之陽灸艸緩中益氣竹瀝養液化痰俾陰液內充則虛陽自斂而神明自安



讖語自審矣

讖語直視喘滿者死下利者亦死

讖語因於陽盛不是死證若讖語直視目不轉睛是藏府之精氣將絕卽喘而不休肺氣已絕滿而不運脾氣亦絕下利不止乃倉廩不藏門戶不要皆爲死證也

夫實則讖語虛則鄭聲鄭聲重語也

邪氣盛則實實則讖語言雖誕妄與發狂不同自有一種莊嚴之上正氣奪則虛虛則鄭聲語言婉轉與讖語不同自有一種必欲有求之狀故仲景以重語釋之乃見有鄭重其事而不忽其言也

熱入血室證

陽明病下血讖語者此爲熱入血室但頭汗出者刺期門隨其實而瀉之澦然汗出則愈

熱鬱陽明陷入血室血下則陽熱上浮而神明被擾故神識無主語言讖妄也但頭汗出刺期門期門乃肝之募瀉其熱而通其經則汗得遍身而畜熱外泄下血自止而讖語無不自已黑膏梔鼓法亦可以已

梔子鼓湯 治陽明挾熱脉弦長者

醫略六書傷寒約編

卷之十一

六經病解

五

趙翰香居藏板



中國醫藥大學圖書館藏

梔子 三錢
淡豉 三錢

水煎去渣溫服

胃熱乘肝陷入血室故下血讖語爲邪熱入於血室也梔子除內煩淡豉泄外熱君以黑膏則陽明之血熱自解而讖語自止矣

婦人中風發熱惡寒經水適來得之七八日熱除而脈遲身涼胸脇苦滿如結胸狀讖語者此爲熱入血室也當刺期門隨其實而瀉之

中風經至發熱惡寒當先解其外至七八日熱除身涼反胸脇滿而非結胸發讖語而非胃實脈遲爲在藏是血結於肝而堵塞神明也此爲熱入血室刺期門以瀉結除滿則結血化而讖語自己小柴胡加赤芍生地亦已

小柴胡湯 見少陽

婦人傷寒發熱經水適來晝則明了夜則讖語如見鬼狀此爲熱入血室無犯胃氣及上下焦必自愈

傷寒發熱見婦人中風傷寒皆有熱入血室證發熱不惡寒是病在陽明讖語不因胃實是肝虛魂不安而妄見故如見鬼狀病在血分故晝則明了夜則誕妄也不得妄下以傷中焦

之胃氣亦不得妄汗以傷上焦之清陽刺之出血以傷下焦之真陰當養血清魂而讞語自
已黑逍遙合舉輕古拜散主之

黑逍遙散 治熱入血室脉數弦虛者

懷生地

五錢

軟柴胡 分五

白芍藥

錢半

當歸身

三錢

冬白朮

錢半

白雲神

二錢

粉甘艸

五分

炒荷葉

三錢

水煎去渣溫服 血熱加梔丹

傷寒經至血虛邪熱陷於血室故晝則明了夜則讞語見鬼亦為熱入血室歸芍欽陰養血
朮艸健中生血柴胡升陽散熱肝木得遂條達之性茯神滲熱安神心氣亦致和平之德生
地黃滋陰益血腎水有既濟之功炒荷葉升陽和血肝陰有轉舒之妙俾水潤木榮心脾得
滋養之力更合黑荊則血室清而魂自藏外熱解而讞語自已又益梔丹以平血中之熱何
患邪有不解熱猶陷入血室乎

舉輕古拜散 治崩滿吐衄脉浮者

荊芥穗

三兩

炒黑

為末水調三錢亦可入煎劑



經受外邪過熱迫血故血從諸竅溢出宜隨上下以酌湯治之荊芥理血疎風炒黑罌入血分力能和血止血以疎血中之邪端止吐衄崩漏挾邪之血因方製劑無不獲效

陽明中風證

陽明中風口苦咽乾腹滿微喘發熱惡寒脉浮而緊若下之則腹滿小便難也

微喘惡寒脉浮而緊同太陽麻黃證口苦咽乾又似太陽少陽合病更兼腹滿又似太陽太陰合病何以名爲陽明中風耶以無頭項強痛則不屬太陽不耳聾目赤則不屬少陽不腹痛自利則不屬太陰是知口爲胃竅咽爲胃門腹爲胃室喘爲胃病無疑今雖惡寒二日自止脉之浮緊亦陽明潮熱有時之候此陽明初病在裏之表若以腹滿爲胃實而下之則腹更滿而小便難大便反易矣當以小柴胡合梔鼓湯主之

小柴胡湯 見少陽

梔鼓湯 見前熱八血室證

陽明中風脉弦浮大而短氣腹部滿脇下至心痛久按之氣不通鼻乾不得汗嗜臥一身反面目悉黃小便難有潮熱時時噦耳前後腫刺之小差外不解病過十日脉弦浮者與小柴胡湯脉但浮無餘證者與麻黃湯若不尿腹滿加噦者不治



中風二字便藏表熱在內刺之是刺足陽明隨其實而瀉之脉弦浮者向之浮大減小而弦
尚存故可與小柴胡以解外脉但浮而不弦大則非陽明少陽脉無餘證則諸證悉罷惟太
陽之表未散故可與麻黃湯以解外若不尿腹滿加噦此是內不解小便難者竟至不尿是
化源已絕也腹部滿者竟不減脾氣敗而不運也時時噦者更加噦而胃氣敗絕均不可治
也此陽中風之劇者兼太陽少陽兩經證

小柴胡湯 見少陽

麻黃湯 見太陽

陽明中寒證

陽明病若能食名中風不能食名中寒

風爲陽邪故能食寒爲陰邪故不能食以能食不能食別風寒亦以見陽明之虛實也此陽
明初受表邪先辨胃家虛實爲診家着眼處

陽明病若中寒不能食小便利手足濇然汗出此欲作固瘕必大便初硬後溏所以然者以
胃中冷水穀不別故也

胃陽盛則中熱而消穀胃陽虛則中寒而不能食固瘕卽初硬後溏之謂肛門雖固結而腸

中不全乾也溘卽水穀不別之故胃中寒不能化液故小便不利胃中虛不能攝液故手足澼然汗出耳理中湯加烏梅以溫理之

理中湯 見太陰

陽明病脉遲腹滿食難用飽飽則微煩頭眩必小便難此欲作穀疸雖下之腹滿如故所以然者脉遲故也

食難用飽因於腹滿腹滿因於小便難頭眩又因於食飽耳此胃虛寒滯濕於中故食入則胃氣不化而煩清陽下升而眩濁陰不降而腹滿小便難也身體盡黃名曰穀疸不用五苓合枳實理中而反以茵陳湯下之則脉遲為在藏脾氣愈傷故腹滿不減而如故

五苓散 見太陽

枳實理中湯 治穀疸腹滿脉遲者

於潛朮 錢半 炒 小枳實 八分 炒 炮薑炭 八分 白茯苓 三錢 甘艸灰 五分

水煎去渣溫服

胃虛寒伏遏濕於中則中氣不化而腹滿小便難故身體淡黃名曰穀疸於朮健脾枳實破滯炮姜合艸灰溫中氣以化濕祛寒茯苓佐艸灰滲脾濕以安中除滿也必偶之以五苓則



清升濁降而小便自利穀疸自痊矣

茵陳湯

即茵陳蒿湯見於熱發黃

除中證

傷寒脉遲六七日而反與黃芩湯徹其熱脉遲為寒今與黃芩湯復徹其熱腹中應冷當不能食令反能食此為除中必死

傷寒是熱發於表脉遲為寒伏於中與黃芩湯更清在表之內熱則熱去寒起而胃陽不支假穀氣以自救反能食者名除中必死不能食者為寒中宜桂枝人參湯溫之

桂枝人參湯

見太陽

梔子豉湯證

陽明病脉浮而緊咽燥口苦腹滿而喘發熱汗出不惡寒反惡熱身重若發汗則躁心憤憤而讞語若加燒針心忪惕煩躁不得眠若下之則胃中空虛客氣動膈心中懊懣舌上胎者梔子豉湯主之

此陽明半表裡證邪已入腹不在營衛之間故妄汗則腎液虛而發躁心液亡而憤憤且胃亡津液則無以榮潤腸府而大便燥硬讞語身重若溫針則心恐懼而忪惕煩躁不得眠也



下之則胃中空虛客氣動膈故心中懊憹不安脉雖浮緊舌有胎是心中畜熱不散宜梔子
豉湯兩解表裡之邪外而自汗惡熱身重可除內而喘滿咽乾口苦自解矣

梔豉湯

見熱入血室

白虎加人參湯證

若渴欲飲水口乾舌燥者白虎加人參湯主之

燥渴欲飲水是熱已入胃用白虎加人參湯瀉胃火而扶元氣

白虎加人參湯 治燥渴飲水舌燥口乾脉洪大者

石羔

五錢

人參

八分

甘草

五分

知母

錢半

粳米

一撮

水煎去渣溫服

胃熱熾盛津液頓亡故脉洪大大煩大渴欲飲水數升也生石羔大寒瀉胃火而津液生肥
知母辛寒泄肺火以潤腎燥甘草緩寒藥之性用爲舟楫而沉降之性始得留戀於胃粳米
奠安中宮培形氣而生津液使陰寒之品庶無傷損脾胃之虞更加人參者以氣爲水母於
大寒劑中扶元氣生津血也此湯入胃輸脾歸肺則津液四布而胃熱頓除大煩大渴可解
脉之洪大亦無不斂矣

